

文選逸集七種

梁武帝

昭明太子統

舊有刻增
十之二

簡文帝

元帝

宣帝并諸王

已上四種無端刻今遍閱
羣書旁搜內典彙輯成集

陳徐僕射陵

舊有刻增
十之七

周庾開府信

舊有刻增
十之四

笙臺藏板

陳隋二帝及諸名臣集俱輯成付梓不日行世



國家圖書館 NATIONAL CENTRAL LIBRARY TAIWAN

敘

粵自羲后垂爻頡皇作契夏稱
龜負周重爵銜然則類書成讀
冕玉其權輿禩字爲文宮庭所
芻備摯陳旦誦君失而後臣魯
說宋言朝喪而求野故夫履戾

王之臚地聚圖籍之大成搖筆
製辭殊慙武郁襞箋選欵長謝
堯章斯亦有國者之醜也蕭氏
扼翮翰林聯鑣文囿伯仲自友
父子相師遠則潘陸顏謝機采
互宣近則任沈范陶繡紋疊綯

雖迂疎闇弱詒厥之道未工天
折殘夷友于之情不逮而魏毫
走楮百組齊初瑋管含烟千英
盡爛足使以傷江左麗六王之
鼓鐘逼窄漢南艷三楚之脂黛
何異膝懷兒媪被爾汝以嘉稱

跳擲塵塗謚詬嬉以美謂斯蓋
人倫之絕觀天顯之欣值者矣
至其深憐穉粉曲護餘香生妖
質於輕脣哀柔情於俊指世濟
其技天薦以材若乃竺教東行
梵言西至周漢之所未盛苻石

之所難弘莫不送難析疑崇虛
闡義諸髡法事借護人王千聖
應身全歸帝力是以浮屠寶樹
殿學靈山滅度金輻族同淨飯
可謂父登圓覺之堂子踐聲聞
之域者也夫子姒以前所弗具

論姬劉之際畧亦可言類蒼幹
以扶疎方洪流之浩衍魏晉曳
縠綃以當黼黻宋齊飾姜弋以
代耆英梁處其中譬猶璧月初
滿錦桃盡舒陳拾其遺風隋浴
其餘響矧夫集太玄之鳳闥內
爲羣夢五色之華牒間作樹
求其似僅有諸曹然而繡刃所
推不聞遺藁卞水不救徒痛豪
雄其覽賦識嫌僅竄甄爲洛而
已又何寥寥者與然則江鮑夾
轂以先趨徐庾逐鸞而後唱上

下千代允稱帝家今錄其集凡
若干卷

明錢塘閻光世子晉甫撰



國家圖書館, NATIONAL CENTRAL LIBRARY, TAIWAN, R.O.C.